



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 05-16-3-1096-9/24
Srebrenica, 17.07.2024. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj 39/14), Pravilnika o internim procedurama u postupku javne nabavke u Memorijalnom centru Srebrenica i direktnom sporazumu, broj: 01-02-3-1508/21 od 29.10.2021. godine, broj: 01-02-3-170/23 od 23.01.2023. godine, i preporuke Komisije za nabavke konstatovane u Zapisniku o pregledu i ocjeni ponuda u postupku javne nabavke putem konkurentskog zahtjeva, broj: 05-16-3-1096-9/24 od 15.07.2024. godine, direktor Službe Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, donio je

O D L U K U

o izboru najpovoljnijeg ponuđača putem konkurentskog zahtjeva za javnu nabavku robe “Kompjuteri i kompjuterska oprema“

Član 1.

Ugovor za **LOT 1 – „Računari i laptopi“** dodjeljuje se ponuđaču **INTER-COM d.o.o. Zenica**, Vrandučka br. 71b, 72 000 Zenica, koji je dostavio prihvatljivu ponudu sa najnižom cijenom u iznosu od 10.500,00 KM bez PDV-a, odnosno 12.285,00 KM (slovima: dvanaesthiljada dvijestotinosamdesetpet i 00/100 KM) sa uključenim PDV-om.

Član 2.

Ugovor za **LOT 2 – „Printeri i eksterna memorija“**, dodjeljuje se ponuđaču **INTER-COM d.o.o. Zenica**, Vrandučka br. 71b, 72 000 Zenica, koji je dostavio prihvatljivu ponudu sa najnižom cijenom u iznosu od 21.500,00 KM bez PDV-a odnosno 25.155,00 KM (slovima: dvadesetpethiljadajednastotinapedesetpet i 00/100 KM) sa uključenim PDV-om.

Član 3.

Izabrani ponuđač iz člana 1. i 2. ove Odluke se obavezuje da u roku ne dužem od 5 (pet) dana od dana zaprimanja ove Odluke dostave originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b) c) i d) Zakona o javnim nabavkama, ukoliko iste nisu dostavili u sastavu ponude.

Član 4.

U skladu sa članom 70. stav (6) i 71. Zakona o javnim nabavkama, Memorijalni centar Srebrenica-Potočari Spomen obilježje i mezarje za žrtve genocida iz 1995. godine će ovu Odluku objaviti na svojoj internet stranici www.srebrenicamemorial.org i to istovremeno s upućivanjem Odluke ponuđačima koji su učestvovali u postupku javne nabavke.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj: 05-16-3-1096-8/24 od 15.07.2024. godine u skladu sa članom 71. stav (2) Zakona o javnim nabavkama.

O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je, u skladu sa članom 87 i 88. Zakona o javnim nabavkama, pokrenuo postupak javne nabavke putem konkurentskog zahtjeva (sa zaključivanjem okvirnog sporazuma), broj: 05-16-3-1096-1/24 od 20.06.2024. godine, za nabavku robe: "Kompjuteri i kompjuterska oprema" . Procijenjena vrijednost javne nabavke bez PDV-a iznosi 33.000,00 KM bez PDV-a.

Procijenjena vrijednost nabavke po lotovima (bez PDV-a) iznosi:

LOT 1: Računari i laptopi: 11.000,00 KM

LOT 2: Printeri i eksterna memorija: 22.000,00 KM

Obavještenje o nabavci broj: 1348-7-1-32-3-20/24 objavljeno je dana 24.06.2024. godine na Portalu javnih nabavki i u „Sl. Glasniku BiH“ broj: 45/24 od 28.06.2024. godine.

Komisija za javne nabavke imenovana je Rješenjem, broj: 01-16-3-197/24 od 27.01.2024. godine.

Iz Izvještaja o preuzimanju tenderske dokumentacije preuzetog sa Portala javnih nabavki na osnovu objavljenog Obavještenja, broj: 1348-7-1-32/24 od 24.06.2024. godine, utvrđeno je da je tendersku dokumentaciju preuzelo ukupno 28 ponuđača.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 08.07.2024. godine u 11,00 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, što je konstatovano u Zapisniku o otvaranju ponuda u skladu sa Zakonom.

Komisija je na javnom otvaranju ponuda konstatovala da su svoje ponude blagovremeno dostavila dva (2) ponuđača: 1. EMADO d.o.o. Sarajevo. 2. INTER-COM d.o.o. Zenica , te da su ponudili sljedeće cijene ponuda:

- EMADO d.o.o. Sarajevo za LOT 1: 10.800,00 KM bez PDV-a i bez popusta;
- INTER-COM d.o.o. Zenica za LOT 1: 10.500,00KM bez PDV-a i bez popusta;
- INTER-COM d.o.o. Zenica za LOT 2: 21.500,00 KM bez PDV-a i bez popusta

Dana 15.07.2024. godine, Komisija se ponovo sastala radi pregleda i ocjene dostavljenih ponuda, odnosno da bi utvrdila da li ponuđači ispunjavaju uslove iz člana 45. do 52. Zakona i da li su svi ponuđači dostavili tehnički zadovoljavajuće ponude u skladu sa zahtjevima iz tenderske dokumentacije, te da li ponuđene usluge odgovaraju predmetu nabavke i tehničkim specifikacijama.

Komisija je konstatovala sljedeće:

- Uvidom u ponudu ponuđača EMADO d.o.o. Sarajevo, Komisija je konstatovala da je ponuđač u svojoj ponudi u smislu dokazivanja ispunjavanja uslova iz tenderske dokumentacije dostavio svu potrebnu dokumentaciju za LOT 1 predmetne nabavke.
- Uvidom u ponudu ponuđača INTER-COM d.o.o. Zenica , Komisija je konstatovala da je ponuđač u svojoj ponudi u smislu dokazivanja ispunjavanja uslova iz tenderske dokumentacije dostavio svu potrebnu dokumentaciju za LOT 1 predmetne nabavke.
- Uvidom u ponudu ponuđača INTER-COM d.o.o. Zenica, Komisija je konstatovala da je ponuđač u svojoj ponudi u smislu dokazivanja ispunjavanja uslova iz tenderske dokumentacije dostavio svu potrebnu dokumentaciju za LOT 2.

S obzirom da je na adresu ugovornog organa pristigao dovoljan broj prihvatljivih ponuda, a prema uslovima iz tenderske dokumentacije, Komisija je u skladu sa odredbama Pravilnika o uslovima i načinu korištenja e-aukcije ("Sl. glasnik BiH" broj 80/23), dana 12.07.2024. godine u 10 sati zakazala e-aukciju za LOT 1, prema kriteriju najniža cijena ponude (tačka 1.6.6. tenderske dokumentacije).

Za LOT 2 pristigla je jedna prihvatljiva ponuda, te se e-aukcija nije mogla zakazati u skladu sa Pravilnikom o uslovima i načinu korištenja e-aukcije ("Sl. glasnik BiH" broj 80/23), i postupak se okončava u skladu sa članom 69. Zakona.

Komisija za nabavke je nakon završene e-aukcije predložila Ugovornom organu:

- da se Ugovor za nabavku robe "Kompjuteri i kompjuterska oprema" LOT 1 - „Računari i laptopi“, dodjeli ponuđaču INTER-COM d.o.o. Zenica, Vrandučka br. 71b, 72 000 Zenica koji je dostavio prihvatljivu ponudu sa najnižom cijenom u iznosu od 10.500,00 KM bez PDV-a, odnosno 12.285,00 KM (slovima: dvanaesthiljadadvijestotineosamdesetpet i 00/100 KM) sa uključenim PDV-om.

- da se Ugovor za nabavku robe "Kompjuteri i kompjuterska oprema" LOT 2 – „Printeri i eksterna memorija“, dodjeli ponuđaču INTER-COM d.o.o. Zenica, Vrandučka br. 71b, 72 000 Zenica, koji je dostavio prihvatljivu ponudu sa najnižom cijenom u iznosu od 21.500,00 KM bez PDV-a odnosno 25.155,00 KM (slovima: dvadesetpethiljadajednastotinapedesetpet i 00/100 KM) sa uključenim PDV-om.

Komisija je sačinila Zapisnik o pregledu i ocjeni ponuda, broj: 05-16-3-1096-8/24 od 15.07.2024. godine, koji je sastavni dio ove Odluke i kao takav se dostavlja svim učesnicima u postupku javne nabavke.

U postupku donošenja ove Odluke, posebno su cijenjene činjenice da je Komisija pravilno i potpuno, izvršila ocjenu kvalifikovanosti ponuđača te pregled i ocjenu ponude za oba LOT-a, u skladu sa kriterijumima iz Tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za provođenje postupka javne nabavke.

U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi direktno na protokol Ugovornog organa ili preporučenom poštom, u roku od 5 (pet) dana od dana prijema ove Odluke.



Direktor Službe Memorijalnog centra

Dr Emir Suljagić

Dostaviti:

1. EMADO d.o.o. Sarajevo
2. INTER-COM d.o.o. Zenica
3. Arhivi

Prilog:

- *Zapisnik o pregledu i ocjeni ponuda*, broj: 05-16-3-1096-8/24 od 15.07.2024. godine.